

Riehtiministeriö
Sosiaal- já tiervâsvuođâministeriö

TIÄDÄTTÄS

Ministereh já staatâräädi arvetävgioovtâstpargoviärmádâh tiäduutteh oovtviärdásâšvuodâ já täsiáárvu tehälâšvuodâ IDAHOT-peeivi

Ministereh já staatâräädi arvetävgioovtâstpargoviärmádâh ávudeh aalmugijkoskâsii homofobia já transfobia vuástásii IDAHOT-peeivi ministerij videotiervättäsâin šaddee kampanjain. IDAHOT-peeivi aalmugijkoskâsâš teema lii taan ive Breaking the silence.

Viestâdemkampanja olášuttoo 14.-15.5. já tast pajedeh oovdân sierâ haldâttâhsuorgijn toohâmnáál pargo já haldâttâs čonâdâttâm arvetävgisiärváduv oovtviärdásâšvuodâ já täsiáárvu oovdedmân. Videoh já sitaatkoveh juáhhojeh ministeriöi sosiaallii mediai kanavijn 14.-15.5. tubdâldâsâiguin #idahot2020, #oovtviärdásâšvuotâ já #täsiáárvu.

Staatâräädist tuáimá epivirgálâš arvetävgioovtâstpargoviärmádâh, mast láá fáárust sierâ ministeriöi ovdâsteijeeh, oovtviärdásâšvuodâváldálie já täsiáárvuváldálie toimâttuvâi ovdâsteijeeh sehe aalmuglâšohtsâškode ovdâsteijeeh. Viärmáduv tooimâ koordinist riehtiministeriö sehe sosiaal- já tiervâsvuođâministeriö.

Viärmáduv ulmen lii pyerediđ staatâräädi siskáldâs oovtâstpargo já koordinistem seksuaal- já suhâpeeliucceeblovoi vuáđu- já olmoošvuoigâdvuodâid lohtâseijee pargoost sehe nanodiđ staatâräädi oovtâstpargo aalmuglâšohtsâškuddijn.

IDAHOT-peeivi lii aalmugijkoskâsâš homofobia já transfobia vuástásâš teemapeivi, mii ávuduvvoo jyehe ive 17.5. Peeivi ulmen lii lasettiđ tiäđu seksuaal- já suhâpeeliucceeblovvoid čyeccee olgoštminist sehe movtjidditiđ toimáid puástuvuođâi tivvoo vârás.

Lasetiäđuh:

Staatâräädi arvetävgioovtâstpargoviärmáduv saavâjodetteijeeh sierânâsâššitobdee Katriina Nousiainen, puh. 0295 150 275, ovdânommâ.su-hânommâ@om.fi
sierânâsâššitobdee Hanna Onwen-Huma, puh. 02951 163233, ovdânommâ.su-hânommâ@stm.fi